

Bush zapaltzen

SALAKETA EKINTZAK. Bagdadeko Al Rasheed luxuzko hotelean 1991ko Golkoko Gerran AEBetako presidente zenaren irudia dago sarrerako zoruan marraztuta, «Bush kriminala da» hitzak azpian idatziak dituela

Jose Mari Pastor | BAGDAD

Al Rasheed hotela munduko leku bakarra izango da bertan sartzeko AEBetako presidente baten aurpegia bete-betean zapaldu behar dena: hango ate nagusian George Bush aitaren aurpegia dago, koloreetan marraztuta.

AEBetako presidente ohiak 1991ko gerrari zor dio hiriburu-ko hotel luxuzkoetako bateko sarreran egoteko ohorea. Oraingo presidentearen aitaren ahoan nazka keinua ageri da azken hamabi urteotan dastatu dituen milioika zapatek eta bere azpian idatzirik dauden hitzek —*Bush is criminal*— behin betiko okadaka utzi balute bezala.

Sarrerako areto zabal-zabalean Eguberrietako arbola handi bat dago jarrita. Ezkerrean garai hauetako postalak saltzeko postua jarri dute.

Bertan emakume gazte bat dago. Haren ondoan *Happy New Year* hitzak zintzilikatu dituzte.

Ikuskatzaile buruen argazkia

Barruko arkitektura jauregi arabiar baten antzekoa da. Pasaleku luze garbiko sabaitik arkuak daude zintzilik. Eskuinean abegitokia eta informazio guneak daude; ezkerrean esertzeko hainbat besaulki eta mahai daude, lanpara dotoreekin. Lau andre gazte elkarrekin daude hizketan, umeak alboan dituztela. Beste alde batean bi gizon hitz egiten ari dira, besaulki batetik bestera. Aretoaren erdian piano bat dago eta gainean lore sorta bat. Freskoa. Aurrerago bost neska mutiko daude jolasean.

Europako elkartasun taldeek AEBen gerra egitasmoa salatu dute Bagdaden



MARWAN NAAMANI / EPA

Europako elkartasun taldeetako kideek Irakekiko elkartasuna adierazi zuten atzo NBE Nazio Batuen Erakundeak Bagdaden duen egoitzaren aurrean. AEBetako politika salatzeke egin dako manifestazioan 150 lagunek gora bildu ziren. Euskal Herria, Katalunia, Galizia, Espainia, Alemania, Austria eta Turkiako herritarrek Washingtonen jokabidea gaitzetsi zuten.

Ez gerrarik, ez zigorrik eta Utz iezaiozue Iraki bakean bizitzen izan ziren gehien oihukatutako leloak. Iraki erasotzeko asmoen arrazoiak salatu zituzten: batek Washingtonek Israelen politikari emaniko sostengua kritikatu zuten; bestetik gatazkaren oinarriak diren interes ekonomiko estatubatuarra.

NBEko arma ikuskatzaileen autoak egoitzako aparkalekuan sartu zirenean, nazioarteko erakundearen rol gero eta eskasagoa gaitzetsi zuten manifestariek. Espainiako Gobernuak krisian AEBen alde egin izanak ere kritika ugari eragin zituen.

Kontzentrazioaren ostean, euskal ordezkariak euskal preso politikoen aldeko oihalak atera zituen NBEren egoitzaren aurrean. Haiekin batera Katalunia, Galizia eta Espainiako beste solidario batzuk egon ziren.

Gizon bat haiengana hurbildu da, ume koskor bat besoetan duela.

Pasalekuaren amaieran Internet kafea dago. Gela ilun sa-

marra da, dozena bat ordenagailurekin. Pantaila askotan Saddam Husseinen irudia ageri da. Beste batzuetan basamortua. Azken batean neskato ba-


ten irudia, begietan behera malakoak darizkiola.

NBEko arma ikuskatzaileak eta haien buru Hans Blix Bagdadera itzuli zirenean, hotel ho-


netara eraman zituzten irakiarrek, eta orduan ate-atean geldiarazi zituzten. Argazki ofizialean Bush aitaren musua zapaldu zuten ikuskatzaileek.

Egunkaria


Egun hauetan euskal produktuak oparitu



10 €



15 €



10 €



3,8 €

Zure betiko kioskoan eta liburu dendetan